



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 75. Hujus Pacis articuli summo Pontifice minus probati.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

diensem Bassam ad Eugenium Principem transmisit, significans, Sultanum pacis studiosum Cæsari bello parta relinquere paratum esse, armorumque inducias petere, donec firma pax stabiliri posset. Has tamen propositiones rejiciens Eugenius respondit, tutissimum pacis medium esse bellum, ac secundos armorum successus. Nihilominus Passarovici in Servia serio de pace agi cæperat; convenerant Cæsaris nomine Hugo Comes de Virmond & Michael Dahlmanus Interpretæ: pro Venetis Ruzzinius Eques, Turcæ vero præter Achmet - Han Legatum suum tanquam pacis conciliatores feligebant Angliæ Regis Legatum Robertum Equitem Suttonium, & Hollandiæ Oratorem Jacobum Comitem de Colliers. Horum igitur opera die quinta Junii pacis negotium prospere cæptum, die vigesima prima Julii confectum, & ad viginti quatuor annos confirmatum est.

Sæc. XVIII.  
A. C. 1718.

§. LXXV.

*Hujus Pacis articuli summo Pontifici minus probati.*

Præterquam quod hujus pacis articulis utriusque partis limites versus Croatiam & vicinam regionem juxta

*Epist. Clem. XI. pag. 2302.*

Ccc 4 Car-

Sæc. XVIII. Carlowitiense pactum, & Moldaviæ ac  
 A. C. 1718. Valachiæ fines versus Poloniam & Tran-  
 sylvaniam per alpes fuerint designati,  
 & pro Regula utrinque acceptata sit  
 clausula, *uti possidetis, ita possideatis*,  
 præcipue statutum confirmatumque est,  
 ut Religiosis Ordinibus, ceterisque Ca-  
 tholicis juxta Prædecessorum Sultano-  
 rum privilegia, indulta, edicta, pacta &  
 Capitulationes liberum Christianæ Re-  
 ligionis exercitium, Ecclesiæ & Do-  
 micilia, necnon peregrinationes Jero-  
 solymitanæ permittantur & confirman-  
 tur: Cæsareis quoque Legatis liberum  
 sit, sua negotia, visitationes &c. Jero-  
 solymis & alibi obire & desuper cogno-  
 scere, ac demum dimissis utrinque ca-  
 ptivis Ragotsius ceterique rebelles in  
 Turcia latentes in locis a Cæsarea di-  
 tione remotis contineantur, nec un-  
 quam Cæsareos limites accedant, eo-  
 rumque uxoribus & liberis pariter eo-  
 secedere, integrum sit. Hanc pacem  
 etiam Venetorum Respublica post in-  
 gentem cladem Turcicæ classi illatam  
 ratam habuit, & Poloniæ Rex accepit.

Ceterum Pontifex inducias cum Tur-  
 cas fuisse initas, haud æquo tulit animo,  
 ratus, continuato bello Christianæ Re-  
 publicæ rationibus magis consuli po-  
 tuisse: Eapropter die duodecima Au-  
 gusti

gusti ad Venetum Ducem, totamque Sæc. XVIII.  
 Rempublicam has dedit literas. A. C. 1718.

„Non aliud profecto Nos antiquius  
 „in votis habebamus, quam ut susce-  
 „ptum cum immanissimo Christiani no-  
 „minis hoste bellum strenue conti-  
 „nuetur, firmam in spem erecti, fore,  
 „ut divina clementia, quæ Christianis  
 „armis hactenus benedixit, & mani-  
 „feste adfuit, lætiores indies, ac fe-  
 „liciores eventus fideli populo tribuere  
 „dignaretur, ideoque barbari, quorum  
 „impetum vos imprimis magno cum  
 „ærarum vestri dispendio nec sine uberi  
 „civium vestrorum sanguinis effusione  
 „glorioso sustinuistis, ita tandem coer-  
 „cerentur, ut Christianæ Reipublicæ  
 „diu nihil ab illis metuendum foret,  
 „hunc porro in scopum Nos quæcun-  
 „que licuit subsidia prompto animo,  
 „quemadmodum satis constat, hucus-  
 „que contulimus, & conferre parati su-  
 „mus, nec plane conscii Nobis sumus  
 „quidquam prætermisisse, quod pro-  
 „sequendo bello opportunum videri pos-  
 „set. Quoniam vero hominum pec-  
 „cata, & nostra potissimum fuisse cre-  
 „dimus, ut alia consilia publicæ causæ  
 „certe perniciofa inita fuerint, gra-  
 „vissimum, quem inde suscepimus, mæ-  
 „rorem non parum ea lenimus considera-  
 „tione, quod Nobilitates vestræ probasse

Sæc. XVIII. „proſiteantur conditiones illas, quibus  
A. C. 1718. „induciæ cum eiſdem barbaris nuper  
 „rime ſancitæ ſunt. Eximia ſiquidem  
 „prudencia veſtra cum ſingulari publici  
 „boni ſtudio conjuncta Nos dubitare non  
 „ſinit, plurimum vobis cordi fuiſſe, &  
 „quantum rerum ac temporum ratio pe-  
 „tiebatur, ejuſmodi negotium, quo  
 „majori poſſet non tam Reip. Veſtræ con-  
 „modo, quam Catholicæ Religionis  
 „utilitate, conficeretur. Ceterum in  
 „officio, quod hac etiam occasione No-  
 „bis detuliſtis, filialis veſtræ erga hanc  
 „ſanctam Sedem devotionis præſtan-  
 „tiam luculenter agnovimus, nec certe  
 „oblata opportunitate omiſſuri ſumus,  
 „præcipuis Pontificiæ charitatis docu-  
 „mentis teſtatum facere, quanti egre-  
 „giam virtutem veſtram, atque præ-  
 „clara in Chriſtianam Rempubicam  
 „merita æſtimemus, Nobilitatibus  
 „interim veſtris diuturnam præcarum  
 „felicitatem & Apoſtolicam bene-  
 „dictionem peramanter impertimur.

§. LXXVI.

*Crebræ in variis Provinciis Se-  
 ditiones.*

*Merc. Hiſt.  
 Jul. Aug.  
 Mart. 237.  
 127.*

**C**urrens hic annis cladibus, turbis  
 inundationibus, perfidiis & ſubdi-  
 torum